

- 5.17 Enige daad wat 'n ander leerder se kultuur, ras of geloof verkleineer of verneder is verbode.
- 5.18 Die dra, naboots of lees van aanstootlike materiaal is verbode.
- 5.19 Die kou van kougom is verbode.
- 5.20 Flaterwater (bv. Tippex) mag nie in die skool gebruik word nie.
- 5.21 Die skoolgronde en klaskamers moet te alle tye skoon gehou word. Geen rommelstrooiing nie!
- 5.22 Alle rommel moet in vullishouers gesit word.
- 5.23 Die dra of verspreiding van sigarette, alkohol of verdowingsmiddels by die skool of enige openbare plek is verbode.
- 5.24 **Geen** skerp voorwerpe, messe of wapens mag skool toe gebring word nie.
- 5.25 Leerders word slegs van LO verskoon as 'n brief van die ouers aangebied word. Vir tydperke langer as een week, word 'n doktersbrief verlang.
- 5.26 Leerders mag slegs in die kleedkamers verkleed vir swem.
- 5.27 Geen leerder mag die swembadarea en die skool in sy/haar swemklere verlaat nie.
- 5.28 Geen leerder word in die swembadarea toegelaat sonder die teenwoordigheid van 'n onderwyser nie.
- 5.29 Geen leerder mag voor of na skool, of gedurende pouses in die saal, vierkant of klaskamers wees nie.
- 5.30 Die leerder sal die leerders in gesagsposisies respekteer. Hierdie leerders in gesagsposisies sal hulleself paslik gedra, die regte van die ander leerders respekteer en nie sy/haar gesag misbruik nie.

## 6. Reëls aangaande Openbare Plekke

Die skool is ook 'n plek van veiligheid. Leerders moet wegbly van plekke wat as buite perke aangedui is. Dit sluit in:

- 6.1 Die motorhuis van die skoolvoertuie.
- 6.2 Die sportvelde, tennisbane en swembadarea, behalwe gedurende 'n amptelike sportoefening of wedstryd, of gedurende 'n les onder die toesig van 'n leerarea-onderwyser.
- 6.3 Elektriese hoofverspreiderhouers, brandblussers en brandslange.
- 6.4 Parkeerareas, behalwe waar hulle in hul eie voertuig klim.
- 6.5 Opsetlike beskadiging, vandalisering of verwaarlosing van skool-eiendom of die eiendom van andere deur skrif of 'n fisiese daad is verbode. So ook die diefstal van skool- of privaateiendom.
- 6.6 Geen gevaarlike voorwerp of onwettige verdowingsmiddels soos in die SA Skolewet of die Veiligheidsreëls beskryf, mag op die skoolgronde gebring of gebruik word nie, behalwe met verlof vir 'n opvoedkundige doel. Gevaarlike voorwerpe sluit messe, vuurwapens of enige item wat ander kan beseer, in.
- 6.8 Alkohol word nie op die skoolperseel of vir enige skoolaktiwiteit toegelaat nie.
- 6.9 Die dra en/of gebruik van enige onwettige chemiese stof en verdowingsmiddels is verbode.

## 7. Vervoer

Leerders wat hul fietse op die skoolterrein wil parkeer, moet verlof van die skool hiervoor kry, en moet die afgebakende areas vir hierdie doel gebruik.

- 7.1 Alle leerders parkeer hul fietse op eie risiko op die skoolterrein.
- 7.2 Fiets-, skaatsplank- en rolskaatsry op die skoolterrein is verbode.
- 7.3 Spesifieke areas word voorsien vir die veilige bewaring van fietse en moet deur leerders gebruik word.
- 7.4 Roekelose gedrag is verbode.
- 7.5 Die Gedragskode is van toepassing wanneer van skool- en openbare vervoer van en na die skool gebruik gemaak word.
- 7.6 Leerders mag nie in skooldrag (formeel of sportdrag) duimry nie.

## 8. Buitemuurse program

Betrokkenheid in aktiwiteite in die buitemuurse program vorm 'n belangrike en geïntegreerde deel van die holistiese onderwys van elke leerder. Daarom word van alle leerders verwag om in ten minste een (1)sport-, kulturele en/of diensaktiwiteit per kwartaal aktief betrokke te raak.

- 8.1 Daar word van die leerder verwag om te alle tye die korrekte etiket met betrekking tot die spesifieke aktiwiteit toe te pas.
- 8.2 Waar 'n leerder hom/haar verbind tot 'n aktiwiteit, sal daar van hom/haar verwag word om te hou by die reëls en verpligtinge van die betrokke aktiwiteit.